

周

官

恒

解

周官恆解卷五

秋官司寇序官

雙流劉沅輯註

惟王建國辨方正位體國經野設官分職以爲民極乃立秋官司寇使帥其屬而掌邦禁以佐王刑邦國

秋令肅殺去草木之枝葉而成其實王者愛民去生民之毒害而成其善故立司寇之官去凶害以安善良也外兵曰寇官名司寇不忍言民之無良而以爲爲外寇設也禁禁之於未然刑正也民知有法則懲戒而不敝犯戾歸於正

刑官之屬大司寇卿一人小司寇中大夫二人士師下大夫四人鄉士上士八人中士十有六人旅下士三十有二

人府六人史十有二人胥十有二人徒百有二十人

鄭康成曰士察也主察獄訟之事者大司寇小司寇總理刑政中大夫士師佐之鄉士以下則掌六鄉之獄者又按地官大司徒小司徒及各職皆有聽斷獄訟之事蓋小事爭訟其官近而治之惟罪狀已成應入於士師者則歸秋官治之耳

遂士中士十有二人府六人史十有二人胥十有二人徒百有二十人縣士中士三十有二人府八人史十有六人胥十有六人徒百有六十八

遂遠於鄉縣又遠於遂各設官就近治其獄訟而其法則承諸司寇至鄉遂之中各有公邑亦即歸遂縣治之耳

方士中士十有六人府八人史十有六人胥十有六人徒百有六十人訝士中士八人府四人史八人胥八人徒八十人朝士中士六人府三人史六人胥六人徒六十人

訝五

嫁反朝直送反

鄭康成曰方士主四方都家之獄者訝迎也主迎四方賓客而掌其獄訟朝士主外朝之法主詢眾庶讞疑獄

司民中士六人府三人史六人胥三人徒三十人司刑中士二人府一人史二人胥二人徒二十人司刺下士二人

府一人史二人徒四人

刺千賜反

司民主民數生齒繁則好僞生設司民掌之使上知民數而時思所以化導整齊之也司刑掌五刑之灋恐上

下有枉濫得正之也刺偵伺也刑獄至重司刺詳察其情以免枉濫

司約下士二人府一人史二人徒四人司盟下士二人府

一人史二人徒四人

約於學反又於妙反

約相約信盟以相約信之事告神而質之也惟君子必由信義其下或相約信而不踐加以盟禁而不信故設司約司盟掌之使民踐信如約則凌爭之風可息亦止亂於未形之道也疑之者非

職金上士二人下士四人府二人史四人胥八人徒八十

人司厲下士二人史一人徒十有二人

金銀銅鐵錫爲五金金銀財之貴者銅錫以制器用鐵以爲器械設官掌之使民不得妄用御案秋於五行爲金故職金屬秋官厲惡也盜賊之兵器入官司厲掌之其爲奴者皆曾傷害於人故曰厲

犬人下士二人府一八史二人賈四人徒十有六人賈者嫁

賈氏公彥曰大金畜故連類在此李氏如玉曰司寇奉犬牲故犬人屬焉

司圜中士六人下士十有二人府三人史六人胥十有六人徒百有六人掌囚下士十有二人府六人史十有二人徒百有二十人掌戮下士二人史一人徒十有二人于

權反

鄭氏眾曰圜者圜土謂獄城也掌囚拘囚罪人戮辱也收罷民於圜土使改過從善有大罪則拘囚之掌戮則罪已定而戮之所掌有輕重蓋其詳且慎也

司隸中士二人下士十有二人府五人史十人胥二十人

徒二百人罪隸百有二十人蠻隸百有二十人間隸百有

二十人夷隸百有二十人貉隸百有二十人

閩梅市反

周制民皆有田其犯罪者則使給勞役是爲隸而設官以治之四夷之內附一時未能服教者亦屬焉蓋使之勞苦而或易其行則貸之使儕於齊民蠻南蠻閩今閩省在東南夷東夷貉北夷西戎不見者唐虞至周王都皆近西方虞書西戎卽叙武王時西旅底貢厥獫狁蓋漸被王化獨久雖不入版圖而非等他夷之曠遠也

布憲中士二人下士四人府二人史四人胥四人徒四十

人禁殺戮下士二人史一人徒十有二人禁暴氏下士六

人史三人胥六人徒六十人

憲法也古無刑書刑罰之典因時因事而有異同更張恐遐邇不克周知故特設布憲一官於月吉執旌節以

宣布於四方禁殺戮者謂民乍相爭競未訟於官而卽
目相殺戮者特設官以禁之此職亦必其親臨之官攝
之然後易於覺察隨時懲禁或謂別設官者非
也禁暴氏亦然暴者但暴戾未至卽殺傷也

野廬氏下士六人胥十有二人徒百有二十人蜡氏下士

四人徒四十人雍氏下士二人徒八人萍氏下士二人徒

八人

蜡晴預反音覲雍
於用反萍音平

廬賓客之館舍賓客之候館委積已隸於地官矣而又
設野廬氏專掌其刑禁然後合肅而事舉賓客無災患
蜡鄭康成曰骨肉腐具蠅蟲所蜡也月令曰掩骼埋胔
此官之職雍氏掌溝瀆滄池之禁萍氏主水禁萍草淨
而不沈以之名官取其善水不溺以上三職蓋卽
以其地之賢能者爲之非特設官而別有治所也

司寤氏下士二人徒八人司烺氏下士六人徒十有二人

炬許遠反
又盧驚反

御案盜賊多乘夜竊發故設司
人者各有夜士干掘司寤氏不過詔之以禁禦耳人
皆寐而獨寤故曰司寤司炬掌以陽燧取火於日方諸
取水於月而第云司炬者易氏祓日月受日之光其本
皆出於
日是也

條狼氏下士六人胥六人徒六十八脩閭氏下士二人史

一人徒十有二人
條如

條有條理意狼將覓食必先倒立以卜所向此職以條
狼名取知所向而清道有條理也舊讀為滌謂滌除狼
藉非閭里門也條狼主道中之禁
脩閭主里閭之禁均以防姦先

冥氏下士二人徒八人庶氏下士一人徒四人穴氏下士

一人徒四人甕氏下士二人徒八人

冥迷形反又迷壁反庶讀如煮甕音翅式

至反又居企反

其昏冥意為阱獲以取猛獸乘其不覺若冥然也毒蟲病人庶氏掌其法以頒而治之穴攻毒蟲猛獸於穴者甕鳥嗣也毒鳥必先取其甕而後可獲故謂之甕氏以上四職皆除鳥獸之害人者以安民也

柞氏下士八人徒二十人雍氏下士二人徒二十人

柞側柏反

雍天計反

柞氏主攻木以便種植雍氏主殺草以繁木材二職互相備也

碧簇氏下士一人徒二人翦氏下士二人徒二人赤友氏

下士一人徒二人蠅氏下士一人徒二人壺涿氏下士一

人徒二人庭氏下士一人徒二人若音搥簇蒼屋反友音拔烟音國一音載孫知

反角

簇巢也若簇去其巢為斷滅之赤友猶言撻拔除去之也烟蛙也壺瓦鼓孫擊之也易氏被曰天子齊宿郊廟臨御朝廷或遊苑囿一物不去則防衛為疏故設諸職以除非常之物

銜枚氏下士二人徒八人伊耆氏下士一人徒二人耆巨夷反

鄭康成曰銜枚止言語諠譁也枚狀如箸橫銜之為之總結於項伊耆古王者號始為蟬以息老物後王因以其號名官主齒杖之事王氏與之曰秋官之屬以氏稱者幾三之一所掌皆細事然非世宿其業莫能諳也

大行人中大夫二人小行人下大夫四人司儀上士八人

中士十有六人行夫下士三十有二人府四人史八人胥

八人徒八十人

諸侯朝聘於天子接之以禮卽所以整齊之大行人小行人屬於秋官取其嚴肅之義也

環人中士四人史四人胥四人徒四十人象胥每翟上士

一人中士二人下士八人徒二十人掌客上士二人下士

四人府一人史二人胥二人徒二十人掌訝中士八人府

二人史四人胥四人徒四十人

環戶開反訝五嫁反

鄭氏鎬曰夏官環人掌致師此官掌環總賓客而爲之衛事雖不同皆有取於循環之義故名曰環人象胥通夷狄之言者掌客掌賓客之牢禮訝迎也賓客來主迎之蓋賓客之禮必嚴且當而後無拂貳也

掌交中士八人府二人史四人徒三十有二人掌察四方

中士八人史四人徒十有六人掌貨賄下士十有六人史四人徒三十有二人

掌交主交通諸侯之事其有不交或交而不以禮者必禁之掌察則督察邦國之事以辨其交通之情事掌貨賄亦辨其貨賄往來之事當於理否春秋時邦交非禮貨賄私行則此數官之職不修也

朝大夫每國上士二人下士四人府一人史二人庶子八人徒二十人

鄭氏康成曰朝大夫王之士也使主都家之國治而命之曰朝大夫賈氏公彥曰畿內采地雖有百里五十里二十五里總謂之國都家子弟多不由禮朝大夫掌其治領其治於下亦聽其治於上以督率之

都則中士一人下士二人府一人史二人庶子四人徒八

十人都士中士二人下士四人府二人史四人胥四人徒
四十人家士亦如之

入則以治都鄙然奉行未必無失朝大夫朝夕王朝達
其政令於下都則核其奉行於下有不如法者則都士
刑之家士又家之司刑
者以治有家者之失

周官恆解卷五

秋官司寇

雙流劉沅輯註

大司寇之職掌建邦之三典以佐王刑邦國詰四方一曰
刑新國用輕典二曰刑平國用中典三曰刑亂國用重典

詰起
吉反

典法也詰究治也鄭康成曰新國新立君之國其民未
習於教故用輕典平國承平守成之國中典常行之法
亂國篡弑叛逆之
國重典重治其罪

以五刑糾萬民

虞舜制五刑流官教贖賊也三代因之其墨刑劓宮辟
之五刑則苗民所制因古無刑書後世或參用其法衰

周官恆解

卷五

秋官

季相仍用之者遂眾穆王故制爲贖五刑之罰此經所言亦仍虞書之五刑耳其司刑掌墨刑則宮辟五刑之法卽掌其贖法原未嘗以此爲正刑自來儒者不詳察呂刑之義遂謂墨劓五刑聖王所制誣也下謂野刑五者又以其事言之上功上命云云明刑以弼教所以糾正而使之歸於治也

一曰野刑上功糾力二曰軍刑上命糾守三曰鄉刑上德

糾孝四曰官刑上能糾職五曰國刑上愿糾暴

野國中以外之稱野刑凡耕稼滿涂輓漕等凡任力之事皆野民任之有刑以糾之使知致力軍中得失國之安危民之生命所係有刑以糾之使知効命鄉中尚德德始於孝孝者卽能弟而凡仁讓之事皆可行之有不率者刑以糾之使知誠孝官謂凡有官者官以率民而乃不自修何以正人故有刑以糾之使各能其職國刑凡國中無貴賤皆以謹愿爲上若不謹愿而爲暴則無論貴賤其所在皆爲害於人心風俗故刑以糾之使

歸於誠厚以上言刑法所施大概不出此五者而非舊說所謂鄉遂王國云云也

以圜土聚教罷民凡害人者寘之圜土而施職事焉以明

刑恥之其能改者反于中國不齒三年其不能改而出圜

土者殺

罷音皮寅
文試反

圜土獄城也以土爲垣拘而守之罷民爲惡之人也以其疲玩故曰罷民寘之圜土而任以職事使勞苦而生善心又時時明刑章以教使知自恥若能改惡則出之使還鄉里然猶三年不齒者以其不得遂儕於良民也如果爲善三年後齒之矣其有不能改而且私逃亡者則殺之

以兩造禁民訟入束矢于朝然後聽之以兩劑禁民獄入

鈞金三日乃致于朝然後聽之

造七到反又昨
早反劑子隨反

訟兩相爭訟獄既訟而累繫也兩造兩相造事之人凡非禮之事若能自返則無爭矣而至爭訟是爲無端造事故曰造兩劑兩下之券書也古者一弓百矢束矢蓋百个金銅鐵錫之總名三十斤曰鈞此所謂禁民訟獄者禁其訟獄直上於大司寇如今上控者也民之訟獄自有鄉士遂士及諸官治之又窮民亦可立肺石以達大司寇不過頒其法總其成耳而竟直干大司寇則非法故先令入束矢鈞金以懲之束矢入於朝以備國用非私入於司寇也朝大司寇聽政之所聽之而或有司失平其必罪之亦可知矣

以嘉石平罷民凡萬民之有罪過而未殫于灋而害于州里者桎梏而坐諸嘉石役諸司空重罪旬有三日坐募役其次九日坐九月役其次七日坐七月役其次五日坐五月役其次三日坐三月役使州里任之則宥而舍之

桎音

質格古

毒反

嘉石有文之石平成也困苦之以成其善罪過害於州里而未麗於法蓋陰肆其惡未顯然干有司之法也桎以木爲之在足曰桎在手曰梏坐諸嘉石以滅其心坐期既滿又役諸司空以勞其身使困苦而改惡從善州里比閭族黨之擷詞任保任也如已悛則使州長里宰任之而宥其罪

以肺石達窮民凡遠近惲獨老幼之欲有復於上而其長弗達者立於肺石三日士聽其辭以告於上而罪其長

愛反惲其營

反長知丈反

肺石赤石也賈氏曰坐赤石使赤心不妄告意遠近無問畿內外鄭康成曰無兄弟曰惲無子孫曰獨復猶報也上謂王與六卿長謂諸侯若鄉遂大夫愚按窮民不止惲獨老幼蓋卽困者以概其餘其長弗達則必復於

上而憚獨老幼尤無力可以自復故立於肺石則可達於上矣然恐一時未及達三日約其期朝士掌達窮民逾至三日而不之達則必罪之矣而前人謂惡其瀆上上不能治民又惡民之瀆豈聖人仁民之政哉

正月之吉始和布刑于邦國都鄙乃縣刑象之灋于象魏

使萬民觀刑象挾日而斂之

縣音懸挾于協反

正月夏之正月所謂月吉也故云始和周正建子以子月爲年節其民事仍從夏令子月日正月寅月日正歲此云正月之吉恐人以爲子月也故又曰始和古無刑書布刑布其所已刑者使天下周知故曰刑象若刑典則有常經不必布亦不能盡布也前人誤

凡邦之大盟約蒞其盟書而登之于天府大史內史司會及六官皆受其貳而藏之凡諸侯之獄訟以邦典定之凡

卿大夫之獄訟以邦瀟斷之凡庶民之獄訟以邦成弊之

會古

外反

邦之大盟約諸侯國與外夷接攘有事相涉盟約勿相
侵伐者也若諸侯則統於天子亦無私相盟約者况天
子與諸侯盟約乎舊解誤諸侯與外夷相盟約上其盟
誓於王司寇親蒞其書以觀其當否且以爲將來不如
盟約征伐之本因安輯邊境國之大事故大史內史司
會皆受其貳而藏之獄訟是非爭訟或至成獄必大司
寇斷之者統於一尊臣下不得私爭也邦典六典邦瀟
八瀟邦成八成弊亦斷也刑罰以維禮樂各以其職所
當爲而衡以典瀟與成始無偏私而
司寇之至明至公必得其人可知矣

大祭祀奉犬牲若禋祀五帝則戒之日蒞誓百官戒于百
族及納享前王祭之日亦如之奉其明水火凡朝覲會同

前王大喪亦如之大軍旅泣戮于社凡邦之大事使其屬
蹕

犬屬金能守戒故司寇奉之御案奉薦熟而已不進
體解也大宰掌百官之禁戒而大司寇則泣之蓋國之
大事六官之長胥有事焉泣之以司寇所以肅之也愚
按刑罰本於天子而專之者大司寇也違制則有誅故
凡大祭祀大喪大軍旅大事則必司寇泣之前王亦所
以肅天威也納亨將祭之辰祭之日謂且明也明水火
取天地之菁華以明精潔司寇奉之欲王致其嚴肅清
明也大喪王喪及后世子蹕清道止行人也屬司寇屬
官小司寇亦使其屬蹕則奉大司寇行之

小司寇之職掌外朝之政以致萬民而詢焉一曰詢國危
二曰詢國遷三曰詢立君其位王南鄉三公及州長百姓

北面羣臣西面羣吏東面小司寇擯以敘進而問焉以衆

輔志而弊謀

鄉計亮反長知
丈反弊必世反

外朝在廟門之外皋門之內外朝主聽獄訟故司寇掌其政而兼大詢天子不自任其聰明有大事必廣詢所詢者非特民也而言致萬民而詢者民間公是公非恆多情事乃無隱蔽國危兵寇之事國遷徙都避患立君無適擇賢州長率百姓而至故同北面王南面而詢三公德備而位尊佐王聽其是非羣吏羣臣也州長帥民而至故同北面小司寇擯者外朝不常朝朝士掌外朝而不爲擯也擇衆謀以輔王志而斷其是非洪範所謂謀及卿士庶人者皆在其中

以五刑聽萬民之獄訟附于刑用情訊之至于旬乃弊之讀書則用灋凡命夫命婦不躬坐獄訟凡王之同族有罪

不卽市

附于刑罪與灋相協也雖罪罰相協猶同心詆之至于旬日乃斷慎之也書獄詞也讀之使囚聞之而無不服眾聞之而皆以爲宜死者與我乃無憾也不躬坐獄訟不使獄吏褻尊也使其屬與子弟代之同族有罪不就市記曰刑于隱者不與國人慮兄弟也

以五聲聽獄訟求民情一曰辭聽二曰色聽三曰氣聽四曰耳聽五曰目聽

御案呂刑惟就有稽以色包耳目辭氣此以聲包色氣耳目也愚按聲入于耳而卽通于心下五事非直聲也而言五聲者取其必入于心而細審耳辭辨其是非色視其誠偽氣觀其壯怯耳察其明昧目考其隱微以八辟麗邦灋附刑罰一曰議親之辟二曰議故之辟三

曰議賢之辟四曰議能之辟五曰議功之辟六曰議貴之

辟七曰議勤之辟八曰議賓之辟

辟音開附音付

辟也麗附也邦瀆中本無此八議之瀆特設故曰麗親宗室故故舊賢有德者能有道藝者功有大功者貴大夫以上勸盡瘁于國者賓所不臣者八者之中惟賢者必不悖禮安得犯瀆蓋株連及之者也其餘非于王躬有關屬即于國家有裨益不幸而有罪必從而原之或赦或未減必實有不可赦而後罪之然亦不同于凡人若盤木加劍罄于旬人及有爵者不為奴之類蓋瀆外之仁也

以三刺斷庶民獄訟之中一曰訊羣臣二曰訊羣吏三曰

訊萬民聽民之所刺宥以施上服下服之刑

刺七賜反

刺伺察也獄訟已定尤必有三訊以察其當否乃得其平故曰斷獄訟之中訊問也民眾民刺殺也訊之而民

以為可殺或以為可宥則權其是非劑其輕重以施上服下服之刑呂刑曰上刑適輕下服下刑適重上服是也然非至公至明何以能得其中

及大比登民數自生齒以上登于天府內史司會冢宰貳

之以制國用比必里反

鄭康成曰大比三年大數民之眾寡也男八月而生齒女七月而生齒民之為非多由於貧必先富之而後教之故小司寇亦掌民數藏其副冊以制國用凡重農節用一切養民之政隨時損益以期民生遂而善良多

小祭祀奉犬牲凡禋祀五帝實饌水納享亦如之大賓客

前王而辟后世子之喪亦如之小師涖戮凡國之大事使

其屬蹕獲戶郭反辟婢亦反大事之大當作小

奉猶進也實水于鑊以洗解牲體納烹煮牲
食燕飲行于廟寢者以王所禮故曰大殺於
故小司寇前王而辟小師王不親
行之師泣戮於社屬謂士師以下

賓客饗
覲會同

孟冬祀司民獻民數于王王拜受之以圖國用而進退之
歲終則令羣士計獄弊訟登中于天府正歲帥其屬而觀
刑象令以木鐸曰不用墮者國有常刑令羣士乃宣布于

四方憲刑禁乃命其屬入會乃致事

會古
外反

鄭康成曰司民星名謂軒轅角也於祀司民之時獻民
數於王每歲皆然使王知民生上屬於天星重民命也
上交大比獻民數又三年比民數損益而總獻之進退
國用斟酌增省也歲終周建子十二月羣士鄉士遂士
已下計獄計未決之獄囚弊訟已斷之訟登中登其所
定獄情之當者使王知一歲獄訟多寡當否也正歲夏

令建寅之月周雖以子月爲年節民事皆從夏時故於寅月懸刑象小司寇則帥其屬而觀之其有不及觀者則令以木鐸使咸知之並宣布四方懸刑禁以示之入會入而會計上年未了之獄訟乃各致其事也

士師之職掌國之五禁之灋以左右刑罰一曰宮禁二曰官禁三曰國禁四曰野禁五曰軍禁皆以木鐸徇之于朝書而縣于門閭

禁禁之于未然左右助也犯罪而後有刑罰預先戒之使民不犯是爲刑罰之助也宮王宮官官府國域中野郊外軍軍中古無刑書五禁皆歲歲懸示其有隨時損益可知士師掌其灋而徧及天下則各令其長行之故懸于門問也

以五戒先後刑罰毋使罪麗于民一曰誓用之軍旅二

曰誥用之于會同三曰禁用諸出役四曰糾用諸國中五

曰憲用諸都鄙

先悉薦反後胡邁反

王氏安石曰先者引而導之後者隨而相之也若盤庚上篇則以誥先之下篇則以誥後之王氏應龍曰上文五禁施於無事之時主閉絕其非心戒者作事之時戒勅提撕使之勤事或先丁寧之或復申勅之使民不犯故曰先後刑罰毋使罪麗于民誓肅軍令而使之戮力誥詳事理而使之服從禁戒其如法糾糾其不正國中可聚民而糾正之都鄙遠則分布而表懸之耳

掌鄉合州黨族閭比之聯與其民人之什伍使之相安相

受以比追胥之事以施刑罰慶賞

閭比毗至反比追必里反

鄉合合州黨族閭比之聯於鄉也五家爲比比一伍二伍爲什士師主刑罰故總一鄉之聯以比追胥之事使

姦宄無所容而日相安相受則人各就其聯以相覺察聽於士師非士師別遣官屬煩擾之也

掌官中之政令察獄訟之辭以詔司寇斷獄弊訟致邦令

弊必

世反

官中大司寇之官府中獄訟之上察其辭以告司寇獄訟之成致其命以付羣士凡大司寇官府中政令皆掌之致邦令致之于鄉遂及都鄙也

掌士之八成一曰邦汙二曰邦賊三曰邦謀四曰犯邦令

五曰撓邦令六曰爲邦盜七曰爲邦朋八曰爲邦誣

藥反

一音酌
撓音矯

士士師以下成者舊有成禮依而行之汙挹取也蓋聚斂括克之類後民壽國者賊爲逆亂者謀爲異國反間

犯干冒王教令者擗如矯制之矯上無是令以亡意矯而爲之盜竊國之寶器及竊邑外畔凡竊財貨皆是朋結黨害正誣誣罔失實

若邦凶荒則以荒辯之瀦治之令移民通財糾守緩刑

辯辯其輕重而爲之備也御案歲祿有等差地民有眾寡民困有淺深財用有多寡其事有緩急故當辯之鄭康成曰移民就賤救困也通財補不足也糾守備盜賊也緩刑舒民心也王氏應電曰比閭卒伍地官夏官之職而秋官亦掌其追胥合聯之事荒政通財地官聚萬民之職而秋官亦掌荒辯之瀦蓋教訓而後可以相安救其飢寒而後可以止盜故事相備也

凡以財獄訟者正之以傳別約劑若祭勝國之社稷則爲之尸王燕出入則前驅而辟祀五帝則沃尸及王盥泊饌

水凡刳珥則奉犬牲諸侯爲賓則帥其屬而蹕于王宮大喪亦如之大師帥其屬而禁逆軍旅者與犯師禁者而戮

之

傳音附劑子隨反泊其畢反鑊戶郭反刳珥音機卹

財獄訟如稱責與買賣者稱責則以傳別正之買賣則以約劑正之勝國已亡之國辟與蹕異蹕禁止行人辟開道而使辟於旁燕出人偶以遊燕出人也沃尸及王也沃尸盟並沃王盟泊增其鑊汁續司寇之事而終之也刳珥繫禮之事用牲毛者曰刳羽者曰珥大司寇小司寇皆言使帥其屬不親屬也士師則親帥之逆軍旅違軍令也犯師禁則亂行寇攘等事

歲終則令正要會正歲帥其屬而憲禁令于國及郊野

正其屬吏之月要歲會待小司寇入會於大司寇小司寇令羣士憲刑禁士師帥而憲之所帥者鄉士遂士縣

士諸官也

鄉士掌國中各掌其鄉之民數而糾戒之聽其獄訟察其辭辨其獄訟異其死刑之罪而要之旬而職聽于朝司寇聽之斷其獄弊其訟于朝羣士司刑皆在各麗其瀕以議獄訟獄訟成士師受中協日刑殺肆之三日若欲免之則

王會其期

要於妙反

鄭康成曰國中之地距王城百里內言掌國中者主國中獄也六鄉之獄在國中鄉士八人言各者四人而分主三鄉鄭氏謂曰鄉民之數教官掌之此又掌其數者為糾戒也察審也辨辨其輕重別其當死當刑者為之要書聽于朝聽于司寇也羣士司寇之屬麗附也議令羣士各出所見議之或有異議者必再審慎而得其平

乃決中即上文登中之中受中受獄訟之成協日可行刑之日肆陳尸也若欲免之情事猶有可原或在八議之內者王會其期擇期會羣臣而議之可免然後免不自專也

大祭祀大喪紀大軍旅大賓客則各掌其鄉之禁令帥其屬夾道而蹕三公若有邦事則為之前驅而辟其喪亦如

之凡國有大事則戮其犯命者為于偽反辟音關後並同

賈氏公彥曰大祭祀若祭天及四郊大喪紀當葬所經道大軍旅王出行所經過大賓客四方諸侯來朝由六鄉經過故掌其禁令屬中士以下邦事奉王命出行國事其喪謂葬於墓大事即上文所言諸事戮或刑或罰或撻辱皆是也

遂士掌四郊各掌其遂之民數而糾其戒令聽其獄訟察

其辭辨其獄訟異其死刑之罪而要之二旬而職聽于朝
司寇聽之斷其獄弊其訟于朝羣士司刑皆在各麗其瀆
以議獄訟獄訟成士師受中協日就郊而刑殺各于其遂
肆之三日若欲免之則王令三公會其期

鄭康成曰遂地距王城百里外至二百里掌四郊者主
四郊獄也六遂之獄在四郊遂士十二人言各者二人
而分主一遂御案刑殺於郊者就遂士之治所也肆
各於其遂者以懲眾也遂遠於鄉故使三公會其期

若邦有大事聚眾庶則各掌其遂之禁令帥其屬而蹕六
卿若有邦事則爲之前驅而辟其喪亦如之凡郊有大事
則戮其犯命者爲于
爲反

四郊之外無大祭祀大喪紀惟有大軍旅大賓客出入
所經有大事聚眾庶則遂人帥所治之民而至故遂士
掌其禁令爲六鄉前驅三公可知矣遂士職卑於鄉士
故六鄉之邦事並承之郊有大事謂六遂之民從于師
者田

縣士掌野各掌其縣之民數糾其戒令而聽其獄訟察其
辭辨其獄訟異其死刑之罪而要之三旬而職聽于朝司
寇聽之斷其獄弊其訟于朝羣士司刑皆在各屬其瀝以
議獄訟獄訟成士師受中協日刑殺各就其縣肆之三日
若欲免之則王命六卿會其期

地距王城三百里曰野四百里曰縣五百里曰都都縣
野之地非王子弟公卿大夫之采邑皆公邑也統謂之

縣縣士掌其獄焉其地在郊外故總稱之曰野稍縣都
俱有獄總名曰縣獄縣士掌之而聽其獄訟各就其縣
肆之者如稍縣則肆於稍縣都
皆然亦各就其地以懲戒民也

若邦有大役聚眾庶則各掌其縣之禁令若大夫有邦事
則爲之前驅而辟其喪亦如之凡野有大事則戮其犯命

者爲于
僞反

縣無祭祀喪紀之事惟賓客軍旅道經其地然野廬氏
掌道治遺人委人共委積薪芻公邑都家不過掃除道
路守涂者聚橐而已故不曰大事而曰大役其致眾庶
而聚之者則遂人也縣士不過掌其禁令野有大事謂
有軍事於此
而犯命者也

方士掌都家聽其獄訟之辭辨其死刑之罪而要之三月

而上獄訟于國司寇聽其成于朝羣士司刑皆在各麗其
灋以議獄訟獄訟成士師受中書其刑殺之成與其聽獄
訟者

鄭康成曰都王子弟及公卿之采地家大夫之采地大
都在畺地小都在縣地家邑在甸地都家各有主君方
士但遙掌其獄訟都士冢士聽其獄訟附於刑矣而上
於方士方士乃聽其辭辨其是非必三月者以其未嘗
親聽獄訟必達其期乃可往復駁議也上于國上于司
寇也聽其成者獄訟皆自都家定之方士辨而定之矣
爲要以上司寇司寇但聽其成犯者未嘗與俱審其所
書罪由及灋果當否與羣士司刑等以灋麗之而無異
議則仍發還都家卽於其地刑殺及肆也

凡都家之大事聚眾庶則各掌其方之禁令以時脩其縣

漚若歲終則省之而誅賞焉凡都家之士所上治則主之

治直

吏反

大事王朝徵役及其長六人各掌其方者四人祭祀喪紀等動眾之事方士十師掌邦國都鄙稍甸郊野之地域而辨其夫家人民田萊之數及其六畜車輦之稽方士以時脩此漚歲終又巡而省之以行誅賞恐民得罪有枉屈也凡都家之治上於方士得主之以告司寇聽而平之蓋不令都家得途專其賞罰也

訝士掌四方之獄訟論罪刑于邦國凡四方之有治于士者造焉四方有亂獄則往而成之邦有賓客則與行人送逆之入于國則爲之前驅而辟野亦如之居館則帥其屬

而爲之蹕誅戮暴客者客出入則道之有治則贊之凡邦

之大事聚眾庶則讀其誓禁

造七報反爲于僞反

訝迓同迎也四方諸侯各治其士民之獄訟而或有枉
屈者許其上訴於王朝則訝士掌之諭時時頒上諭使
詳慎也士士師有訴於王朝而當歸士師聽之者先詔
訝士乃通之於士師亂獄君臣上下相虐相爭賓客來
去行人掌其送迎而訝士同之者或僕隸與臺有與民
有犯爭者訝士掌其刑故爲之辟爲之蹕皆爲誅戮暴
客贊之者客之僕隸等有罪客士治之而訝士佐治之
大事諸侯或卿大夫來會軍旅田役則讀其誓禁使周
知之武王牧誓所以爲約束諸侯將士
之辭而非勗勵己之將士使用命也

朝士掌建邦外朝之灋左九棘孤卿大夫位焉羣士在其

後右九棘公侯伯子男位焉羣吏在其後面三槐三公位

焉州長眾庶在其後左嘉石平罷民焉右肺石達窮民焉帥其屬而以鞭呼趨且辟禁慢朝錯立族談者

周有三朝一日治朝司士掌之二日內朝大僕掌之此朝士則掌外朝也外朝在庫門之外皋門之內大詢眾庶百姓眾庶得與公卿侯伯羣士羣吏相後先於其間而朝士掌其位孤卿大夫在畿之王臣故位於左公侯伯子男外臣從賓禮故位於右鄉康成曰樹棘者取其赤心而外刺槐之言懷也懷來人於此嘉石肺石詳見大司寇大詢眾庶期達民情故朝士兼掌嘉石肺石辟除閒人以羣吏萬民俱在恐有不諳朝儀者故以鞭呼趨禁慢朝等弊

凡得獲貨賄人民六畜者委于朝告于士旬而舉之大者公之小者庶民私之

得獲分用而義同此連舉則無意而得曰得意其有而得曰獲也人民刑人及奴隸逃亡者御案委于朝得之他處者亦委于朝也或其物別有存貯則書而樹之亦于朝大者公之官收之以待求索若小物過時而不索則失者已棄置矣故使使者私之曰庶民則士大夫亦不得私而入于官也

凡士之治有期曰國中一旬郊二旬野三旬都三月邦國

期期內之治聽期外不聽國期音基餘並如字

鄉士一旬遂士二旬縣士三旬方士三月期訝士也期內聽期外不聽者使縣士等及期而上其事毋得怠緩也若期外而始上其事則不聽而罪其長非謂不與民伸枉屈也

凡有責者有判書以治則聽凡民同貨財者令以國濫行

之犯令者刑罰之凡屬責者以其地傳而聽其辭責側責反屬音

燭傳

音附

責稱貸也判書即券書有判則治之無則否 御案同
貨財即凶荒令民通財也以國濫行之責其償與息犯
令謂多取息與能償而過期不償者加以刑罰則富者
樂於出財貸者不敢負屬責本無傳別而以情誼相屬
稱貸者貸者或以無傳別而負之致成訟獄則以其
地親比之人爲傳而聽其辭察其事之真與僞焉

凡盜賊軍鄉邑及家人殺之無罪凡報仇讐者書于士殺
之無罪若邦凶荒札喪寇戎之故則令邦國都家縣鄙慮

刑貶

賊殺害也軍軍中凡有盜賊殺軍與鄉邑及家人者爲
刦盜當時殺之無罪如今強盜傷人刦財物或拒捕殺
之者無罪也報仇讐者謂無辜殺者而逃匿被害之家
訴於士士不能即得其人書其事以備查驗而被害之

人或於他境得其人殺之則無罪也慮詳審也刑貶減
刑罰也凶災盜戎義重恤民故審其罪之大小苟非不
殺之條則從末
減貶貶省也

司民掌登萬民之數自生齒以上皆書于版辨其國中與
其都鄙及其郊野異其男女歲登下其死生及三年大比
以萬民之數詔司寇司寇及孟冬祀司民之日獻其數于
王王拜受之登于天府內史司會冢宰貳之以贊王治

比必

里反會

古外反

登上也版如今戶籍下猶去也去其死者登其生者天
設君以治民民命即天命王者所天故拜受之三年而
獻其數於司寇司寇獻於王以便核
其多寡制其養教之事故曰贊王治

司刑掌五刑之灋以麗萬民之罪墨罪五百劓罪五百宮
罪五百剕罪五百殺罪五百若司寇斷獄弊訟則以五刑
之灋詔刑罰而以辨罪之輕重

劓魚器反
刑音月

墨黥也刻其面以墨塗之劓截其鼻宮男子去勢婦人
幽閉則去膝殺大辟也司刑所掌五刑虞書流官教贖
賊也墨劓等五刑有苗所作因古無刑書三代之衰襲
用其灋周公制禮恐人仍執爲常典故設司刑使掌五
刑之灋以麗萬民之罪矣而墨劓五者或有重罪參用
此者則司寇斷獄弊訟者司刑復以五刑正灋告司寇
而以辨罪之輕重不
輕用苗民之制也

司刺掌三刺三省三赦之灋以贊司寇聽獄訟壹刺曰詵
羣臣再刺曰詵羣吏三刺曰詵萬民壹宥曰不識再宥曰

過失三宥曰遺忘壹赦曰幼弱再赦曰老耄三赦曰蠢愚

以此三遽者求民情斷民中而施上服下服之罪然後刑

殺

旄本又作毫莫報反
憲書雍反又諸用反

刺殺也不曰殺而曰刺者決之至當而猶必廣諮羣臣
吏民折衷至中取伺察之意故曰刺不識無知過失無
心遺忘忽畧三者皆非故犯隨其罪之大小而寬宥之
幼弱年未過十五老旄七十以上蠢愚暗聾癡駁者以
求民情求所犯之情斷民中於羣臣吏民所復而折衷
其至中司刺專掌此蓋於士師等職所聽又詳辨之惟
恐有枉
屈也

司約掌邦國及萬民之約劑治神之約爲上治民之約次
之治地之約次之治功之約次之治器之約次之治摯之

約次之凡大約劑書于宗彝小約劑書于丹圖若有訟者

則珥而辟藏其不信者服墨刑若大亂則六官辟藏其不

信者殺

劑子隨反藏才浪反辟音闕

約者有事相期執以為信如今券契劑平也兩書一札
平分而藏之祀神各有典禮無庸約也此蓋有所祈禱
羣相為約以期必信民之約有事故相約地之約為約
以志疆界功之約赴功為約以期必終其功器之約為
約其相制器摯之約相見執摯以志久要大約國家之
大事書於宗彝必其事之久而不可易者書於丹圖以
丹為圖冊籍之類訟違約而爭也珥讀為耳殺雞以繫
圖而開視所藏之籍不如約則服墨刑大亂犯大約而
肆行者事關國典故六
官辟藏而不信者殺

司盟掌盟載之濇凡邦國有疑會同則掌其盟約之載及

其禮儀北面詔明神既盟則貳之盟萬民之犯命者詛其

不信者亦如之

詛側慮反

盟載載盟辭於策殺牲取血坎其牲加書於上而埋之謂之載書有疑不協也明神神至明察貳者正書埋之司盟藏其貳盟萬民之犯命以戒後如魯盟仲遂臧孫也詛其不信者或其人逃匿與眾詛以惡之

凡民之有約劑者其貳在司盟有獄訟者則使之盟詛凡盟詛各以其地域之眾庶共其牲而致焉既盟則爲司盟

共祈酒脯

爲于僞反

又言不特盟載之貳在司盟卽司約所掌約劑其貳亦在司盟蓋約劑方始而卽要其終也及違約當罪而復狡展其辭則司盟治之也其本無約劑而各執一辭致成獄訟者既無憑核證則使之盟詛蓋人心敬畏之良

本於天性凡無理者敢期人而不敢期神使盟詛則情詞之間誠偽可覘從而治之無難非專恃盟詛以治民也且以其地域之眾庶共其牲而致焉則不信者必有人發覺之又使之共祈神酒脯皆所以難之使自貢其情前人疑此經者誤

職金掌凡金玉錫石丹青之戒令受其入征者辨其物之媿惡與其數量楬而璽之入其金錫于爲兵器之府入其玉石丹青于守藏之府入其要掌受士之金罰貨罰入于司兵旅于上帝則其其金版鑾諸侯亦如之凡國有大故而用金石則掌其令

楊音竭璽思倚反

丹殊砂之類青空青非人取之而職金藏之也入征已入于非人者揭而璽楬書其數量又以印封之入其要

錄簿要入于大府貨泉布也應罰金者或無金則以貨
當之銚金謂之版旅上帝共金版或以作銷銘饗諸侯
或以鑄錫命如後世鐵券之屬蓋古無紙方策易毀大
事每鑄金此祀上帝引咎祈命之辭與錫命或鑄金以
圖外存也又按金銀銅鐵錫曰五金而古黃白最少此
所謂金罰金版皆銅鐵故入于司兵凡旅帝饗侯用之
也掌其令或給存貯者
或新採皆有禁令也

司厲掌盜賊之任器貨賄辨其物皆有數量賈而梏之入

于司兵其奴男子入于罪隸女子入于舂槩凡有爵者與

七十者與未齔者皆不爲奴

賈音嫁春書容反槩古老反齔初觀反

任器盜賊所用兵器貨賄所盜財物有不可反之失物
者則梏書其數量而入于司兵罪人不孥此奴者必大
罪當沒入其男女者罪隸司隸職所屬是舂槩地官舂
人槩人是有爵命士以上齔毀齒也男八歲女七歲而

毀齒老耄幼弱
從寬赦宥之

犬人掌犬牲凡祭祀其犬牲用牲物伏瘞亦如之凡幾珥

沈辜用駝可也凡相犬牽犬者屬焉掌其政治於例反駝

音忙相

息亮反

純毛曰犧體全曰牲此以牲兼犧也物色也犬善噬故
言伏將用而伏之既用則埋之鄭康成曰幾讀為創珥
讀為創珥者鬱禮之事沈沈牲於水辜謂驅磔牲體
駝雜色也相視擇其美惡相犬牽犬者非一人皆屬於
人犬

司圜掌收教罷民凡害人者弗使冠飾而加明刑焉任之
以事而收教之能改者上罪三年而舍中罪二年而舍下

罪一年而舍其不能改而出國土者殺雖出三年不齒凡

國土之刑人也不虧體其罰人也不虧財

罷滿宜反

拘之國土收之也使困苦而生善心所以教之去其冠飾著墨幘赭衣之類任以事罰使効力舍之遲速以罪之輕重而差不能改過又私逃者殺謂上罪也若非上罪而既拘苦經年亦不得不出之雖出三年不齒如既出三年後猶不改則又有刑如髡者守積之類不虧體不虧財以其罪非應死恤之使改仍得為完人也

掌囚掌守盜賊凡囚者上罪梏拑而桎中罪桎梏下罪梏

王之同族羣有爵者桎以待弊罪

桎古毒反羣音撫桎之實反弊必世反

掌囚凡囚皆守焉而盜賊為重故專言之凡囚非盜賊而以他罪拘者也桎在脰羣在手桎在足

及刑殺告刑于王奉而適朝士加明梏以適市而刑殺之

凡有爵者與王同族奉而適甸師氏以待刑殺

鄭康成曰告刑于王告王以今日當刑及所刑之姓名其死罪則曰某之罪在大辟其刑罪則曰某之罪在小辟告于王恐王有所赦告王而遂以付士也士士師適甸師氏亦由朝乃往也待刑殺者待掌戮也

掌戮掌斬殺賊謀而搏之凡殺其親者焚之殺王之親者

辜之謀音牒搏作膊匹各反

斬去其首殺戮其命古無腰斬法鄭氏以腰斬釋之非也惟賊盜與爲姦寇反間者則斬殺而膊膊曝也其親父母王之親王之宗族二者皆大逆故焚與辜焚燒也辜磔也

凡殺人者踣諸市肆之三日刑盜於市凡罪之屬於灋者亦如之唯王之同族與有爵者殺之於甸師氏凡軍旅田

役斬殺刑戮亦如之

踏步克反

踏僵尸也肆陳也刑盜盜竊劫人者其罪或未至死亦於市刑之以儆眾凡罪之與有爵不於市者親親貴貴之義也戮戮辱之

墨者使守門劓者使守關宮者使守內劓者使守圜髡者

使守積

髡苦門反積子賜反

墨劓宮劓非正刑也其或叛逆連坐家屬偶有是刑亦各因其材而任以事不忍遂棄絕之也守門與關皆須人守墨者劓者易於識別故使之宮者無人道故守內刑者不能行故守圜髡者墨幪蓋出圜土而不能改者故使之守積以俟其變化

司隸掌五隸之灋辨其物而掌其政令帥其民而搏盜賊

役國中之辱事爲百官積任器凡囚執人之事邦有祭祀
賓客喪紀之事則役其煩辱之事掌帥四翟之隸使之各
服其邦之服執其邦之兵守王宮與野舍之厲禁搏音博爲于僞

反積如字

五隸罪隸及四翟之隸物衣服兵器之屬民罪隸之民
搏盜賊以其能踪跡盜賊辱事賤辱之事積任器積聚
百官所用之器物煩劇也囚執或囚之或執之野舍王
行所止舍此節總言司隸掌隸之灋煩辱之事以上則
言罪隸厲禁以上則言四隸也下文
又分言其事不止如此節所云也

罪隸掌役百官府與凡有守者掌使令之小事凡封國若
冢牛助爲牽傍其守王宮與其厲禁者如蠻隸之事令力呈反

百官之府與凡有守者便令之小事皆役之封國或家
遷移物貨亦役之牛助職運也在前日牽在旁日傍其
守王宮與厲禁者罪隸中或有才能異眾者亦
使守王宮與厲禁如蠻隸非盡人而使之然也

蠻隸掌役校人養馬其在王宮者執其國之兵以守王宮

在野外則守厲禁閭隸掌役奇養鳥而阜蕃教擾之掌子

則取隸焉夷隸掌役牧人養牛馬與鳥言其守王宮者與

其守厲禁者如蠻隸之事

問梅
巾反

役校人役於校人下放此養馬等各有所官四隸特任
其雜役耳子鳥子如鸚鵡伯勞之類須及其子而苦養
之下文夷隸雖能通鳥言而養鳥獨歸閭隸蓋尤善養
鳥故使之掌養鳥子也貉隸則通獸言養養獸也珍禽
奇獸不育於國而此四隸掌養之何也鳥獸與人異類
而同生亦各得天地之氣少畛以鳥名官虞書以鳥獸

定時蓋亦有藉以窮造化之與者且鳥獸之異者能通物理知氣數故與鳥獸言所以通物外之情也

貉隸掌役服不氏而養獸而教擾之掌與獸言其守王宮

者與其守厲禁者如癡隸之事

貉孟白反

貉隸所掌非常獸也蓋征四夷所獲者教擾之使馴而又能通其言則物性物理之變皆可以知

布憲掌憲邦之刑禁正月之吉執旌節以宣布于四方而

憲邦之刑禁以詰四方邦國及其都鄙達于四海凡邦之

大事合眾庶則以刑禁號令

詰起吉反

刑司寇之五刑禁士師之五禁小司寇以刑禁令士師士師帥其屬而憲之布憲又專司布憲之事以令其屬達于四方也執旌節以宣布蓋書其州禁既憲于國中又下于州伯州伯又達于諸侯非布憲之屬五十六人

徧達天下也大事征伐巡守田役之類

禁殺戮掌司斬殺戮者凡傷人見血而不以告者攘獄者過訟者以告而誅之

司斬殺戮則不但禁民之私相殺戮而凡官吏之斬戮有不當者皆伺察之也見血則傷重矣而不以告非其人怵於勢力即官吏阻抑之攘獄攘奪獄犯過訟阻冤者不得訴三者或官或民有此皆作奸覲濫之至者禁殺戮得以伺而上告誅之

禁暴氏掌禁庶民之亂暴力正者擣誣犯禁者作言語而不信者以告而誅之

悼理曰亂肆虐曰暴力正以力脅人使賄已擣誣僞稱制令假爲符節之類犯禁故犯禁令作言語造言惑眾

陳氏汲曰比閭族黨之漚爲政之道備矣別立刑官糾以濶禁庶奸民有所懾而教化得以行

凡國聚眾庶則戮其犯禁者以徇凡奚隸聚而出入者則司牧之戮其犯禁者

聚眾庶師田行役之屬奚女之服役後宮者隸男之服役後宮者國有事當役奚隸聚而出入則司其事而牧安之戮其犯禁者

野廬氏掌達國道路至于四畿比國郊及野之道路宿息井樹若有賓客則令守涂地之人聚櫟之有相翔者誅之凡道路之舟車輦互者敘而行之凡有節者及有爵者至

則爲之辟比必里反令平聲櫟音託相去聲居錫反又音計爲于僞反

鄭康成曰達巡行通之使不陷絕也去王城五百里曰畿比較也夜所止爲宿日所憩爲息井供飲食樹爲藩蔽劉氏彘曰地官遣人既掌之矣野廛人又往來按比之聚權令守涂與地之人擊櫟而宿衛之相翔盤桓相視窺伺之意將盜賓客故誅之也重相值而礙互交互爭行敘行使次第通行爲之辟使守涂地之人辟除也禁野之橫行徑踰者凡國之大事比脩除道路者掌凡道禁邦之大師則令埽道路且以幾禁行作不時者不物者

比必里反

橫行徑踰越隄渠踐民田也大事若征伐巡守田役校比民夫脩治其壞除去其穢凡道中之禁皆得掌之以時刑罰蓋其事甚暫其罪過或不必煩有司也幾察也不時怠慢不物衣服異常此職但言王畿侯國亦有也之也

蜡氏掌除骴凡國之大祭祀令州里除不蠲禁刑者任人

及凶服者以及郊野大師大賓客亦如之

蜡清預反骴詳賜反蠲古淵反

蠅蟲所集為蜡骴死人骨也除掩埋之蠲潔也刑人桎

羣之人任人司圜所收教之罷民御案任人雖歸州

里三年不齒服齒尚異於平民故與刑人同禁禁除之使毋當道也

若有死於道路者則令埋而置褐焉書其日月焉縣其衣

服任器於有地之官以待其人掌凡國之骴禁

褐音竭

褐書而表之有地之官主其地之吏其人死者之家人骴禁拊骼埋齒之屬

雍氏掌溝瀆滄池之禁凡害於國稼者春令為阱獲溝瀆

之利於民者秋令塞阱杜獲禁山之為苑澤之沈者

阱才性反

獲胡化反

溝瀆治皆出間水道池則蓄水以防涸者小民私利或因旱潦爲奸利己妨人害於國稼故禁之以坎陷獸爲阱以機取獸爲獲春農事興故爲阱獲以禦獸之害爲溝瀆以通水之利秋農事畢故塞之杜之爲苑於山後遊觀而妨物產澤以蓄水沈之使深則無以收物產之利而且將溝隄防故禁之

萍氏掌國之水禁幾酒諱酒禁川游者

鄭康成曰水禁水中害人之處及入水捕魚鼈不時幾酒苛察沽買過多及非時者謹酒使民節用酒也書酒誥曰無彝酒川游無故而游於水王氏應電曰萍氏掌水禁而兼酒者水所以載舟亦所以覆舟酒以合歡而溺則生禍取其類也

司寤氏掌夜時以星分夜以詔夜士夜禁禦農行者禁宵

行者夜游者

夜時夜之早晚星分以星之昏旦分之夜士夜之巡徼者夜禁夜不當爲之事先明爲晨中夜爲宵通夕爲夜禦禁止之

司烺氏掌以夫遂取明火于日以鑒取明水于月以共祭

祀之明鑒明燭共明水

烺音宜又許達反夫如字亦音符

夫發語詞夫遂陽遂也鑒鏡屬以陽遂取火于日在秋陽正烈之時鑒一名方諸取水于月在既望之際陽遂衆圓肖天方諸象方肖地盞棗盛以明水滌盞盛也明燭以明火燕燭明水以明水爲沅酒

凡邦之大事共墳燭庭燎中春以木鐸脩火禁于國中軍

旅脩火禁邦若屋誅則爲明

竈焉

中音仲竈處院反

墳大也大燭樹於門外庭燎於門內以木鐸徇爲季春將出火也火禁如用火之地救火之澆及夏毋燒灰昆蟲未蟄不以火田之類軍中尤宜慎火屋誅王族有罪誅於屋中者也竈穿穴爲墻也罪人夜葬司烺以火照之穿墻而並樹書其罪以儆後

條狼氏掌執鞭以趨辟王出入則八人夾道公則六人侯

伯則四人子男則二人

條音絲辟音開

鄒康成曰趨辟趨而辟行人孔子曰雖執鞭之士言士之賤也王氏應電曰凡王出入虎賁氏先後王而趨在王前後旅賁氏夾王車而趨在王左右條狼氏人人夾道而馳則夾道而在前公侯以下亦各有條狼氏在其國及至王國皆然

凡誓執鞭以趨于前且命之誓僕右曰殺誓馭曰車轅誓

大夫曰敢不關鞭五百誓師曰三百誓邦之大史曰殺誓

小史曰墨

大音泰

凡誓不一事也凡禁戒之事皆誓以明其罰必行誓之者非條狼氏而宜其誓命之詞者則條狼氏也下文舉誓軍中誓史二事以明其概僕右車右馭御車者古以車戰僕御最重故誓之輕裂僕右不能禦敵馭者裂車則殺不關不奉軍令大夫其帥師百夫之長也二者不關而專擅則鞭之曰邦之大史小史則非軍中之史也史紀事實是非功過若變亂其實則無以考信而行賞罰且無以傳後故有殺與墨之刑

脩閭氏掌比國中宿互櫟者與其國粥而比其追胥者而

賞罰之禁徑踰者與以兵革趨行者與馳騁于國中者邦

有故則令守其閭互唯執節者不幾

弼音育

國中城中與野廬氏之所掌異也粥養也國所游養之
義卒未入正卒使追伺盜賊者宿宿衛互櫟互相稽察
而擊櫟者皆比其勤惰而賞罰之閭互比閭互相稽察
國有故易生姦邪故脩閭氏申令守之執節者有上命
故不幾
察也

冥氏掌設弧張爲阱獲以攻猛獸以靈鼓毆之若得其獸

則獻其皮草齒須備

冥莫經反又音覓

弧張張弓也鼓毆之使驚趨而入阱獲須鬚也備爪也既去其害亦以資用

庶氏掌除毒蠱以攻說禴之嘉草攻之凡毆蠱則令之比

之

庶音煮禴胡內反說如字比必里反

毒蠱蠱物病害人者其類非一每有妖氛憑之故以術攻之且爲之說以破其邪而除之禴除也嘉草藥草以

其能去蟲故稱嘉其類亦不一各視其蟲之所畏而用之以凡有能殺蟲之人則令其殮蟲而比其工拙

穴氏掌攻蟄獸各以其物火之以時獻其珍異皮革

蟄獸害人物之獸也其蟄待時而出爲害故以其所畏之火燠取之其皮或有常於用者則以時獻之云珍異者以其不常得而名非爲其珍異而時時取之也

翼氏掌攻猛鳥各以其物爲媒而掎之以時獻其羽翮

翼式

至反掎居綺

反翮戶葦反

猛鳥鷹隼之屬以其物或以其類誘而招之或以其所食之物捐而獲之掎偏持其脚也

柞氏掌攻草木及林麓夏日至令刊陽木而火之冬至令剝陰木而水之若欲其化也則春秋變其水火凡攻木

者掌其政令

柞側百反

草與木比生者攻治之也有可取為材用者有當俟其長養者審而治之山足曰麓刊剝去也夏木枝葉繁盛故云刊夏火司令刊陽木而更化之則根易腐剝剝治也冬木葉凋而根固故剝之冬水司令剝陰木而更水之則根亦易腐此皆取木之濇疑古者伐木但取其材而腐其根以肥土壤賦化謂不中於材而化之者變其水火當水而火當火而水則木不能生也掌其政令則不特止二者之事凡生育之濇皆在其中

薙氏掌殺草春始生而萌之夏日至而夷之秋繩而芟之

冬日至而耜之若欲其化也則以水火變之掌凡殺草之

政令

繩常陵反又異證反芟所銜反

此言四時殺草之政而夷之含實曰濇待其實熟而芟之冬日至陰極則

耜而刻之以絕其根
化化以爲糞也

砮蒺氏掌覆天鳥之巢以方書十日之號十有二辰之號
 十有二月之號十有二歲之號十有八星之號縣其巢

芳六反天苗妖縣音懸

鄭康成曰覆猶毀也。大鳥惡鳴之鳥若鵩鵩方版也。曰謂從甲至癸辰謂從子至亥月謂從限至荼歲從攝提格至赤奮若星謂從角至軫按天鳥不特爲害於其類而且惡聲惡聞易以惑民心故必除去之以一視聽而定民志也。其書日月歲星之號以去之。康成雖云其遽未詳而以蠛思庚申燕辟戊己虎豹以衝破鵩巢辟大歲推之則古必有其遽且無煩於繳矢之勞者不得以爲誕而斥之也。

翦氏掌除蠹物以攻縻攻之以莽草熏之凡庶蠹之事如庶

字

蠹物鄭康成曰穿食人器物者亦或有邪魅憑之則攻其邪而祈諸正神以去之或以莽草薰之庶蠹罔物之為害於器物者與庶氏所除毒蟲異

赤菱氏掌除牆屋以蜚炭攻之以灰洒毒之凡隙屋除其

狸蟲菱音拔蜚是忍反反狸

宮室牆屋或有毒蟲藏匿於其中赤菱氏掌除之蜚大蛤也持其炭以坩之則走沃其灰以洒之則死狸蟲埋伏之毒蟲

蜩氏掌去鼃黽焚牡菊以灰洒之則死以其煙被之則凡

水蟲無聲蜩音團鼃烏瓜反又烏乖反反鼃米引反鼃居郁反

蠟燭也。屨其大者，牡黼黼不華者，以其灰洒，龍則死，煙被之，隨其所在，以煙薰之也。宮廟嚴闕之地，惡其怒鳴，聒人耳，故去之。

壺涿氏掌除水蟲，以炮土之鼓，毆之以焚石，投之若欲殺。

其神則以牡樺，午貫象齒而沈之，則其神死。淵為陵。

涿知角反

炮步交反，棹音枯，亦音辜。

鄧康成曰：水蟲，狐蜮之屬。炮土之鼓，瓦鼓也。焚石投之，石燔入水，有聲藉陽氣以毆之也。其神，妖魅憑之者，樺姑榆也。一名無姑，卽蕪荑，牡不實者。午貫，縱橫貫之爲十字，蓋妖魅所畏者。淵，爲陵，謂妖魅藏匿水深處，非尋常江河之淵也。此等厭勝之術，古有其禮，以除民害。後世邪妄之人，竊其術而干正，濫故儒者多疑之。然凡聖賢無不通術，數者特以濟仁義之窮，非導人邪幻之事，不得以其流而咎其源也。

庭氏掌射國之天鳥若不見其鳥獸則以救日之弓與救

月之矢射之若神也則以太陰之弓與枉矢射之

射食亦反

天鳥本無而忽有爲厲者也救日月之弓或妖沴害日月及妖怪與雲作霧蔽日月之明於灋不當食而食察其果有邪沴則以弓矢射之去其邪使明若救護之者然也天鳥獸本非眞鳥獸假鳥獸之形聲以惑人故或見或不見則以此弓矢射之藉日月之靈以攻之也神謂其形聲不可端倪陰魅所爲故以太陰之弓與枉矢射之蓋物怪人妖亦氣運所化或時有之先王存其灋以衛民必其在山澤荒僻之地與政教未純之時乎若謂天壤之大竟無此等則不可

銜枚氏掌司羈國之大祭祀令禁無翫軍旅田役令銜枚

禁詬呼歎鳴于羈者行歌哭于國中之道者

蕭譚黨也禮
旅田役情事
雖遜或多言誤人皆禁之及銜枚

伊耆氏掌國之大祭祀共其杖咸軍旅授有爵者杖共王

之齒杖咸音函
戶緘反

鄭康成曰咸讀爲兩老臣雖杖於朝事鬼神尚敬去之
有司以此函藏之既事乃授之若其大祭祀則杖朝者
弗預矣軍旅將帥杖錢以示威若其將帥及將校則
授以杖表其爵以別於他人齒杖王所賜老者之杖

大行人掌大賓之禮及大客之儀以親諸侯

大賓五等諸侯大客諸侯之上卿或外域有君
長來朝皆是也賓客言大以別於小行人所掌

春朝諸侯而圖天下之事秋覲以比邦國之功夏宗以陳

天下之謨冬遇以協諸侯之慮時會以發四方之禁殷同

以施天下之政

朝猶早也以其來早故曰朝覲勤也以其道遠至雖後而勤宗尊而主也夏當陽之時故曰宗皆見天子之名也因時畧異其稱禮文則同遇則天子或在外諸侯就其所在而見及諸侯相遇也春歲合之始故言闕事秋成物之時故言比功夏榮盛之時故言陳謨亦就其時異名非可泥也至相遇則情或不協故言協慮時會王有大事以時而會聽王發禁令焉殷同或王不巡狩之年諸侯旅見或王征討所在其方之諸侯旅見政謂新政令其旅見不必一方盡來卽數人同見亦是

時聘以結諸侯之好殷瀕以除邦國之慝閒問以諭諸侯之志歸服以交諸侯之福賀慶以贊諸侯之喜致膾以補

諸侯之裁

好呼報反瀕通笑反閒記
莧反服上軫反膾音會

時聘或天子使人聘於諸侯或諸侯使大夫來聘君臣相好固結其情殷頻諸侯相約同使卿見天子非彼此相睦則不能同行故云除其隱聞問聞或使人存問諸侯論以懷思之意諸侯亦得以其意達故曰諭志歸服分胙也頒神惠於諸侯使共蒙其福致禴助以財物裁水旱凶災之事補助其不足也

以九儀辨諸侯之命等諸臣之爵以同邦國之禮而待其

賓客

九儀公侯伯子男五等諸侯及其臣孤卿大夫士而九名位不同辨之等之各有其禮凡邦國君臣皆同以待賓客也

上公之禮執桓圭九寸纁藉九寸冕服九章建常九旂樊纓九就貳車九乘介九人禮九牢其朝位賓主之間九十

步立當車軹擯者五人廟中將幣三享王禮再裸而酢饗

禮九獻食禮九舉出入五積三問三勞

纁音藻藉在夜反
旃音爾樊步干反

乘繩證反軹音只食音
嗣積于賜反勞去聲

上公九命其禮以九為節下放此纁以五采飾元纁衣
板若奠玉則以藉之冕竟冕九章之服山龍華蟲火與
宗彝五者繪之于衣粉米黼黻四者繡之于裳常旂之
總名上公則交龍也旂旂之下垂者樊馬腹帶纁馬鞅
也每一處五采為就武副也介輔賓行禮者禮褒儀之
禮三牲備為一半朝位謂大門外賓主之間謂王未立
朝時諸侯立當車轂以俟去王所立之處其間九十步
非謂王迎諸侯也言賓主者君臣相敬讓若賓主明上
下之情通也擯輔主行禮者五人賈氏公彥曰大宗伯
為上擯小行人為承擯嗇夫為末擯餘二人是士廟中
將幣者諸侯朝聘以圭璋嗣王享之於祖廟則以璧瑞
三享束帛加璧以其國之所有為庭實凡三獻也王禮

禮賓也再祿而酢王以鬱鬯禮賓至再賓乃酢王也享
禮以飲爲主食禮以食爲主饗盛禮以飲賓也九獻九
舉皆謂飲食賓之節獻舉爵舉舉食也食重而酒輕故
言獻舉不同出入五積供賓之積來去皆五也三問在
國時三使人存問之三勞來及
將去時三使人勞之以致其情

諸侯之禮執信圭七寸縑藉七寸冕服七章建常七旒樊
纓七就貳車七乘介七人禮七牢朝位賓主之間七十步
立當前疾擯者四人廟中將幣三享王禮壹祿而酢饗禮
七獻食禮七舉出入四積再問再勞諸伯執躬圭其他皆

如諸侯之禮

信音申

七章自華蟲以下前疾鄭氏
眾曰駟馬車轅前胡下垂者

諸子執穀璧五寸纁藉五寸冕服五章建常五旂樊纁五就貳車五乘介五人禮五牢朝位賓主之間五十步立當車衡擯者三人廟中將幣三享王禮一裸不酢饗禮五獻食禮五舉出入三積一問一勞諸男執蒲璧其他皆如諸子之禮

一裸位卑禮殺不酢不敢當賓禮也車衡在柵下軛兩服者

凡大國之祇執皮帛以繼小國之君出入三積不問壹勞朝位當車前不交擯廟中無相以酒禮之其他皆祇小國之君凡諸侯之卿其禮各下其君二等以下及其大夫士

皆如之

相息亮反

大國之孤蓋命於天子者位尊以君命來聘既致君命自執束帛替見以豹皮表帛爲飾繼次也當車前下車拱立而待不交擯不敢如賓主之儀介擯傳言自對於王也王或於廟享之無相禮之人王以酒禮之而已其

他謂此

外禮儀上文言孤此言卿侯國命卿即孤也其自命之卿來聘則各下其君二等大夫士亦各下二等

邦畿方千里其外方五百里謂之侯服歲一見其貢祀物

又其外方五百里謂之甸服二歲一見其貢嬪物又其外

方五百里謂之男服三歲一見其貢器物又其外方五百

里謂之采服四歲一見其貢服物又其外方五百里謂之

衛服五歲一見其貢材物又其外方五百里謂之要服六

歲一見其貢貨物九州之外謂之蕃國世一見各以其所
貴寶爲輦

五服地有遠近各有其國之事故制爲來見之期有差
等其貢物亦遠者貢重物近者貢輕物祀物犧牲之屬
蠙物絲象器物尊象之屬服物元纁絺繡材物八材要
服蠻服也貨物龜貝之屬凡來朝者必有贊卽以其方
之土物貢不苛求也其大宰九貢與小行人春入貢乃
歲之常貢與此不同蕃國夷服鎮服蕃服也世一見父
死而子繼乃一來見貴寶中夏所希而
可以備祭祀匪頒之用者非重異物也

王之所以撫邦國諸侯者歲徧存三歲徧頌五歲徧省七
歲屬象胥諭言語協辭命九歲屬瞽史諭書名聽聲音十
有一歲達瑞節同度量成牢禮同數器脩漻則十有二歲

王巡守殷國

屬章束反

撫猶安也存問其安否類視其治効省察其風俗亦互
言之耳其實三者皆並用之蓋王所以存問諸侯者非
但憇安之亦欲其勵政治而厚民生也若不能守土安
民何取而撫之屬猶聚也象肖通言語之官五方聲音
不同風俗亦異天子既敷政教於四方矣而猶慮其不
能盡諭故每於七歲九歲則王召其國之象胥瞽史令
從王朝之象胥瞽史習言語以期辭命之善習書名以
求聲音之通瑞節數者皆早頒之矣千有一歲又達之
同之成之脩之恐其廢闕之弊殷眾也十二歲巡狩與
於虞舜者堯時治天下之濫粗備舜頒瑞數政巡狩以
考其治績故期較數周承四代之後禮樂制度已詳故期較緩

凡諸侯之王事辨其位正其等協其禮賓而見之若有大
喪則詔相諸侯之禮若有四方之大事則受其幣聽其辭

王事以王事來見位等禮均有禮儀大行人特辨之正之協之相諸侯之禮則詔其屬大事謂兵寇諸侯以贊入告天子則受其幣而聽其辭以達于王

凡諸侯之邦交歲相問也殷相聘也世相朝也

邦交諸侯相交問存問之使大夫殷中也有喪紀及諸要事須聘以達其情則使卿無一定而得其宜故曰中相朝則父死子立而然先儒謂大國朝小國聘不然五等諸侯其等雖異朝聘之禮則同春秋始以大小分貴賤非王制也

小行人掌邦國賓客之禮籍以待四方之使者令諸侯春

人貢秋獻

功王親受之各以其國之籍禮之

使色吏反

籍書也

邦國賓客之禮不同掌其籍以待使者來而行之春貢往歲之貢至春而後入之以其所獲盈歉為量

不苛求也功其國有大功如城池川瀆等要事至秋而後獻之以成物至之時也若尋常治國之事則不必歲歲獻於天子王親受之重其事以勸也凡貢與功各國皆以籍記至其獻入時則按籍而禮之

凡諸侯入王則逆勞于畿及郊勞胝館將幣爲承而擯凡

四方之使者大客則擯小客則受其幣而聽其辭

勞力報反

入王朝於王胝館致館也逆勞三者皆非小行人之事而云者諸侯朝王先達於行人行人以達王乃使人勞之而致館故兼及之也將幣之時大宗伯爲上擯小行人爲之承而擯擯而來見之王使得親言幣辭則受而聽之入告其所以來之事大客孤卿小客大夫以下及蕃國使臣

使適四方協九儀賓客之禮朝覲宗遇會同君之禮也存

顯省聘問臣之禮也

適之也協合也恐地遠禮儀人有違戾天子時命行之
四方以協之其不協者告於王必有黜罰也朝覲以下
申言禮儀之實

達天下之六節山川用虎節土國用人節澤國用龍節皆
以金爲之道路用旌節門闕用符節都鄙用管節皆以竹
爲之

節所執以爲信者虎人龍各以其國象之道路鄉達大
夫都鄙公子弟及卿大夫采地之吏符節邦國之民適
他邦他邦之民入國者以爲信其有徵令及徙家者鄉
大夫及采地之吏亦以節達之竹節以竹爲之所以通
商御案不言王節者此所達
惟使節邦國所守非所及也

成六瑞王用璚圭公用桓圭侯用信圭伯用躬圭子用穀

璧男用蒲璧合六幣圭以馬璋以皮璧以帛琮以錦琥以

繡璜以黼此六物者以和諸侯之好故真音鎮信音申琮才宗反琥音虎璜

音黃好呼報反

御案成攷驗符合均一整齊之意六者皆朝見執以爲信六幣所以享也合兩兩相配諸侯享天子以此六者合幣皆有庭實以其國之所有以豹皮及馬閒之二王之後用圭璋特無束帛之加惟有皮馬尊之故也諸侯則以璧琮五采備爲繡白與黑二色爲黼合璧以帛合琮以錦合琥以繡合璜以黼通彼此之情而來謂之好因事而來謂之故其自相享則各降一等

若國札喪則令賻補之若國凶荒則令賑委之若國師役

則令槁禴之若國有福事則令慶賀之若國有禍哉則令

哀弔之凡此五物者治其事故

稿讀作稿
音會

賻以財物補其不足

賻委以委積

賻之稿以財

賻之賻恤其死亡祭之

其一嘉禮也復列

於此者

設所至之國

有此則令鄰國

供具而後以復於王故其文次於使適四方之後按此

五者皆有定式特

恐諸侯不遵故小行人適

四方時遇此等事

故則令行之毋使疎忽耳

及其萬民之利害爲一書其禮俗政事教治刑禁之逆順

爲一書其悖逆暴亂作慝猶犯令者爲一書其札喪凶荒

戾貧爲一書其康樂和親安平爲一書凡此五物者每國

辨異之以反命于王以周知天下之故

治直

吏反

知其利害然後可

聚所欲去所惡順者因之逆者革之

猶犯令平日王已

戒訓猶不改也此五者各爲一書反

命于王王得以行其賞罰
而行人必得其人可知矣

司儀掌九儀之賓客擯相之禮以詔儀容辭令揖讓之節

相息

亮反

易氏祓曰九儀卽大行人所掌司儀特掌其中賓客擯相之禮而已鄭康成曰出接賓曰擯入相禮曰相以詔者以禮告王鄭氏錡曰儀容通形貌而言辭令以應對言揖讓以交接言

將台諸侯則令爲壇三成宮旁一門詔王儀南鄉見諸侯

土揖庶姓時揖異姓天揖同姓及其擯之各以其禮公于

上等侯伯于中等子男于下等其將幣亦如之其禮亦如

之王燕則諸侯毛

鄉許亮反

合諸侯或帥諸侯而朝日或軍旅大事爲壇於國外以
命事三成三重也宮築宮牆也每旁三門則四門也庶
姓無親者異姓昏姻天揖舉手高時揖舉手平上揖舉
手卑擯之擯者延之使升也上等等中等下等謂賁王處
諸侯各於其等賁王降拜升成拜成禮既乃升堂授王
玉將幣王享之也燕燕於離官毛以鬢髮爲生次不以
爵尊卑論
尙齒之義

凡諸公相爲賓主國五積三問皆三辭拜受皆旅擯再勞
三辭三揖登拜受拜送主君郊勞交擯三辭車逆拜辱三
揖三辭拜受車送三還再拜致館亦如之致殯如致積之

禮

積子賜反勞力報反
還音旋殯素尊反

此下記侯國之禮儀蓋以其秩敘定爲典藉而頒布之
賓入境主國遣大夫五委積三存問賓三辭以致其諒

三揖乃拜受之旅陳也致積與問皆有擯但擯相對語不交擯賓至遠郊又使卿再勞有幣玉焉亦三辭三揖於庭登堂拜受使者反拜而送之賓至近郊主君親勞之亦有幣玉交擯陳九介使傳辭也車迎拜辱臨者賓以主君親來乘車出舍門迎之若欲遠就之然見之則拜其辱臨至去又乘車出拜送欲遠送然主君三還勞之乃再拜送主及致賓於館君亦親致之殯久食也賓就館夕食使人大夫致之其禮亦如致積

及將幣交擯三辭車逆拜辱賓車進答拜三揖三讓每門止一相及廟惟上相入賓三揖三讓登再拜授幣賓拜送幣每事如初賓亦如之及出車送三請三進再拜賓三還

三辭告辟

相去聲
辟音避

將幣行朝禮之時幣圭璋也交擯賓九介君五擯彼此傳命三辭辭不敢當朝不獲命則主乘車出大門迎賓

周官極解

卷五

秋官

吳

拜其辱臨賓車乃前下答拜主三揖請進三讓入大門
每門止其一相於外傳辭及廟惟上相入入門當以禮
詔侑也賓三揖三讓而後升堂授幣授介以送主君又
拜送以致敬每事謂主行享禮及有言皆揖讓也賓亦
如之亦揖讓如初禮及賓出主君乘車送欲達送然三
請三進每一請賓就車則主車一進再拜送賓在賓告
辟時賓三還三辭然後就車而去告辟不欲見主君之拜也

致饗餼還主饗食致贈郊送皆如將幣之儀賓之拜禮拜

饗餼拜饗食實繼主君皆如主國之禮

還音環
食音嗣

熟食曰饗生物曰餼還圭者賓以圭享禮畢復還於賓
饗主飲食主食贈贈之以財郊送送之於郊此六禮皆
如將幣之儀賓之拜禮言君當拜之禮如饗餼及饗食
皆拜蓋賓與主君敵體主君以禮賓繼以禮故皆如主
國之禮也

諸侯諸伯諸子諸男之相爲賓也各以其禮相待也如諸公之儀

侯伯子男相爲賓各以爵等之禮相待其儀則均如諸公

諸公之臣相爲國客則三積皆三辭拜受及大夫郊勞旅擯三辭拜辱三讓登聽命下拜登受賓使者如初之儀及退拜送致館如初之儀

相爲國客諸侯使卿聘鄰國之禮三積三辭臣下其君之禮二等也國君三勞其臣則但使大夫郊勞而已亦陳擯三辭拜辱使者辭拜君之勞也三讓而登堂致君命君聽之畢降拜其君命登受其拜禮賓使者卽來聘之使者如初之儀如初見主辭讓而退也主拜送以尊其君之命不特敬賓也致館如初儀如郊勞之儀

及將幣旅擯三辭拜逆客辟三揖每門止一相及廟唯君相入三讓客登拜客三辟投幣下出每事如初之儀及禮

私面私獻皆再拜稍首君答拜

辟音避相去聲

旅擯陳於大門外主君陳五擯客陳七介不傳辭三辭客辭不敢當客禮拜逆主君使上摛納賓賓入大門主君在門內南向拜拜其辱臨客辟不敢當三揖主君揖之使前惟君相人客相不入也賓入門左三揖至階三讓不言揖省文也客登堂致命主君當楣再拜客三辟不敢當主君授幣投玉與主君下出下堂而出也禮主以禮禮客私面私獻也聘禮致君命已畢賓奉束錦請見或有私獻所以致臣子愛敬之誠其幣物皆於受命時官給之答拜君於異國之臣空首拜此禮皆於聘日行之

出及中門之外問君客再拜對君拜客辟而對君問大夫

客對君勞客客再拜稽首君答拜客趨辟

辟音避勞力報反下皆同

中門之外大門之內問君問其君安否客再拜以對君答拜之客不敢當君答拜故辟而對以辭君又問其國之大夫客對不拜君勞其遠臨客再拜稽首謝其勞也君答拜客趨辟不敢當君答拜

致饗餼如勞之禮饗食還圭如將幣之儀

致饗餼或君親或君不親如勞禮有辭讓之儀還圭賓主兩不拜饗食當有拜禮而此連類言者蓋但使大夫致之者也

君館客客辟介受命遂送客從拜辱于朝明日客拜禮賜遂行如入之積

君館客者客將去就省之以致殷勤客不敢辭亦不敢見若隱避然故云辟遂送君於就館時即拜送也客俟

君去即從其後拜辱於朝蓋君就館拜送重其君使復命非拜已故辟之而即往拜君命之辱亦爲己君致禮也禮賜客在館時君日日賜以乘禽客將行拜謝而遂行御案諸公相爲賓拜饗餼饗食之大禮而不拜其小禮卿則饗餼食皆旋拜之而

又拜其小此尊卑疏密之差

凡侯伯子男之臣以其國之爵相爲客而相禮其儀亦如

之凡四方之賓客禮儀辭命餼牢賜獻以二等從其爵而

上下之

相竝如字

爵卿也大夫也士也禮之各以其爵命其儀與辭則與公之臣同又言凡四方之賓客則大小國之相朝聘皆括其中二等謂降殺以兩上下猶豐殺也

凡賓客送迎同禮凡諸侯之交各稱其邦而爲之幣以其

將為之禮凡行人之儀不朝不夕不正其主面亦不背客

稱尺證反

胡如字

同禮始終以敬也稱其邦而為幣者邦有大小幣有隆殺如其豐殺以為禮不肯求也行人之儀謂摺相傳辭時朝日出謂東方夕日入謂西方不正東正西當賓主之面亦不正當主之南面不正鄉客之北面而背客但居賓主之間而已

行夫掌邦國傳遽之小事倣惡而無禮者凡其使也必以

旌節雖道有難而不時必達居于其國則掌行人之勞辱

事焉使則介之傳張總反使色吏反遽其豫反

傳遽乘傳騎驛而使者倣惡王有小勞則小弔慰之類無禮無損介等大禮道有難疾病他故不時必遽雖至

不以時要必達也居于其國在國時賓客至時勞辱之事其多行夫位卑其屬亦眾皆掌其事而分任其勞其大小行人爲使則爲之介云其國則諸侯皆有此職也

環人掌送迎邦國之通賓客以路節達諸四方舍則授館令聚櫟有任器則令環之凡門關無幾送迎及疆

御案逆賓於疆及宿台櫟歸送訝人之職也環人則待過賓之道經王畿而之列國者故曰通賓客以路節達諸四方曰環人者環四境而待過賓達之於四方也任器賓客任用之器令令野廬氏

象胥掌蠻夷閩貊戎狄之國使掌傳王之言而論說焉以和親之若以時入賓則協其禮與其辭言傳之凡其出人

送迎之禮節幣帛辭命而賓相之闕迷巾反使邑吏反相息亮反下同

象胥能通夷語故傳王之言而曉譬之使其情通而和好親附以時入賓或世見或國有大事來慶弔其拜跪坐起言語聲音皆不同於中國故教以禮儀而協之譯其言語而傳之凡其出入送迎一切禮節帛辭命皆象胥為主而賓之並相其禮蓋他人則不達其俗不通其言也相止是卽其禮而導之大致協於禮而已非一就範

凡國之大喪詔相國客之禮儀而正其位凡軍旅會同受國客幣而賓禮之凡作事王之大事諸侯次事卿次事大夫次事上士下事庶子

國客兼外夷在內蓋大喪及軍旅會同間有外域君臣弔唁從軍者其各國風俗人情不同言語亦異非象胥不能通之故詔相其禮儀受其幣而以賓禮禮之又言凡王作事大事則使諸侯其次則卿大夫士庶子以次

而差其人不一究其人情風俗音語不通者故必使象胥也

掌客掌四方賓客之牢禮餼獻飲食之等數與其政治王
 合諸侯而饗禮則具十有二牢庶具百物備諸侯長十有
 再獻王巡守殷國則國君膳以牲犢令百官百姓皆具從
 者三公眡上公之禮卿眡侯伯之禮大夫眡子男之禮士
 眡諸侯之卿禮庶子壹眡其大夫之禮治直吏反長知
 牢三牲餼生食物獻餼獸之類飲食饗燕膳食之類等
 爵之等數卽下文所陳之數王饗諸侯會同既畢而饗
 之以五等咸在故併饗之不分饗也諸侯長則牧伯照
 諸侯九獻牧伯加三獻王巡守經過諸侯之國其國君
 膳以牲犢令百官掌客令主國也百姓牛羊豕魚脰水
 陸產之物各以其國之所有蓋天子以四海為家官皆

其臣民皆其民供給膳羞無異在國於禮當然非煩擾之也其主國禮從者則以等差之

凡諸侯之禮上公五積皆眡殯率三問皆脩羣介行人宰

史皆有牢殯五牢食四十簋十豆四十鉶四十有二壺四

十鼎簋十有二牲三十有六皆陳

積子賜反
鉶音州

此下並是諸侯自相朝主國待賓之禮五積皆眡殯率於其所舍視其殯率有不足則令給之也問之者三皆致脯皆有牢非三牲備也凡廩食亦謂之牢以牛羊豕豕飪而供之皆是殯始至以備賓頒於從者也食庶羞美可者分爲五分蓋始至以備賓頒於從者也食庶羞美可食者簋以盛稻粱豆以盛菹醢鉶以盛腳臠臠三者之羹自簋以下皆謂其器也蓋於賓至既致夕食禮矣又致諸食器備賓用牲三十六亦備賓用其物皆陳列先儒以爲皆盛食物不知夕食小禮惟五牢與食耳其簋豆等亦有盛者有不盛者經並約計其數言之

糴餼九牢其死牢如殮之陳牽四牢米百有二十筥醯醢

百有二十雞車皆陳車米眠生牢牢十車車乘有五簋車

禾眠死牢牢十車車三秬芻薪倍禾皆陳

糶烏弄反簋素口反秬丁故反

或宅加反

九牢如五牢並牽四牢而九每筥半斛車載筥與糶之
車皆陳者既陳米與醯醢並陳車俟載之也其車載米
視生牢之數生牢四車則米四十車也聘禮曰十牛曰
斛十六斗曰簋十簋曰乘每車乘有五簋則二十四斛
也稟與實並刈曰禾死牢五牢十車則五十車也刈禾
之名四乘曰筥十筥曰稷十稷曰秬此乘把也刈禾
把與車乘之乘異筥與百有二
十之筥亦異四百乘爲一秬

乘禽曰九十雙殷膳大牢以及歸三饗三食三燕若弗酌

則以幣致之凡介行人宰史皆有殮饔餼以其爵等爲之

牢禮之陳數惟上介有禽獻

乘繩證反下同
食音嗣下同

物雙曰乘日饋九十雙殷盛也或其日不饋乘禽而以
大牢則爲殷膳猶盛饌也及其歸而後止蓋既致夕食
饗餼二禮又時以此示敬賓不倦之意弗酌君有故不
親饗食燕則以酬幣致之介與行人宰史皆有殮饔餼
敬其君以及其臣也牢禮即前皆有牢蓋牛羊豕三
牲之肉具耳惟上介乃有禽獻亦下於其君之數

夫人致禮八壺八豆八邊膳大牢致饗大牢食大牢卿皆

見以羔膳大牢

見賢遍
反下同

按周制享諸侯有夫人之禮蓋周初封建半多同姓昏
姻之國故有是禮後人沿襲凡侯國均用之嗣因陽侯
殺繆侯而奪其夫人大享乃廢夫人之禮竊謂男女有
別先王於士民七年男女不同席姑姊妹女子子已嫁

而反兄弟弗與同席而坐同器而食其嚴如是而君夫人乃不避嫌可乎此致禮亦謂兄弟婚姻之國夫人有當致敬者既不便相見則致食品以將情耳其禮以大夫致之夫人不親卿大夫其尊亞於君亦以羔爲贄而見膳用大牢以致敬大夫以下不然以人眾且位卑也

侯伯四積皆視殯牽再問皆脩殯四牢食三十有二簋八豆三十有二劔二十有八壺三十有二鼎簋十有二脛二十有七皆陳饗餼七牢其死牢如殯之陳牽三牢米百筥醢醢百糗皆陳米三十車禾四十車芻薪倍禾皆陳乘禽日七十雙殷膳大牢三饗再食再燕凡介行人宰史皆有殯饗餼以其爵等爲之禮惟上介有禽獻夫人致禮八壺

八豆八邊膳大牢致饗大牢卿皆見以羔膳特牛子男三積皆視殯率壹間以脩殯三牢食二十有四簋六豆二十有四鉶十有八壺二十有四鼎簋十有二牲十有八皆陳饗餼五牢其死牢如殯之陳率二牢米八十筥醯醢八十糗皆陳米二十車禾三十車芻薪倍禾皆陳乘禽日五十雙壹饗壹食壹燕凡介行人宰史皆有殯饗餼以其爵等爲之禮惟上介有禽獻夫人致禮六壺六豆六邊膳視致饗親見卿皆膳特牛

侯伯子男其禮以次而差其餘義皆見上

凡諸侯之卿大夫士爲國客則如其介之禮以待之凡禮

賓客國新殺禮凶荒殺禮札喪殺禮禍哉殺禮在野在外

殺禮

殺所界反

鄭康成曰言其特來聘問待之如其爲介時新國新建之國在野在外兩君相遇於途不能備物故皆殺禮

凡賓客死致禮以喪用賓客有喪惟芻稍之受遭主國之

喪不受饗食受牲禮

稍所教反

賓客死則致禮以其喪所常用之物或賓客有父母之喪惟受芻稍給牛馬耳或遭主國之喪不受饗食蓋饗食必君親或其臣代致既有喪則不應行吉禮也牲禮則受主但使人牽致而已

掌訝掌邦國之等籍以待賓客若將有國賓客至則戒官

脩委積與士迎賓于疆爲前驅而入及宿則令聚櫨及委

則致積

訝誤化反
積子賜反

邦國之等籍使掌訝掌之者賓客入境卽當辨其等以爲禮掌訝迎賓以至終事令各職如禮有籍而後可稽察一切也官牛人羊人舍人委人之屬士訝士令令野廬氏也此皆賓在郊外之事

至于國賓入館次于舍門外待事于客及將幣爲前驅至于朝詔其位入復及退亦如之凡賓客之治令訝訝治之凡從者出則使人道之及歸送亦如之

治從並去聲

鄭康成曰次如今官府門外更衣處待事于客通其所求索前驅道之以如朝入復入告于王亦如之如其爲前驅御案賓客之治賓客有事於王朝與王朝卿大夫士一切往來之禮令掌訝則掌訝治之言此以包上

文所未備從者凡介以下人其屬
胥從也使道賓客之從者營護之

凡賓客諸侯有卿訝卿有大夫訝大夫有士訝士皆有訝
凡訝者賓客至而往詔相其事而掌其治令想悉亮友

又言諸侯以下皆有訝但其位尊卑不同則為訝者亦不同凡為訝者皆迎賓相其事蓋賓禮以通情故皆有訝以掌之特禮殺於王朝耳

掌交掌以節與幣巡邦國之諸侯及其萬民之所聚者道
王之德意志慮使咸知王之好惡辟行之好呼報反下同惡烏路反辟音避

交謂王與諸侯交諸侯相交也禮制行於天下而間有不能悉遵者或朝廷有新制作不克周知者則於其使

聘相交時掌交以節與幣爲信告以王之德意志慮使
歸台諸侯並於萬民聚會之所表示之使咸知王之好
惡行其所好辟其所惡夫王之德意志慮好惡在深宮
幽僻之際而形爲政事即民生國命所關先王特設此
職示人君必謹於微無事不可告人而後可以治天下
其意深切矣不然禮樂制度均有成遽何得但趨避王
之好惡若巡行遍告又勢所不能不幾疑此職之贅乎

使和諸侯之好達萬民之說掌邦國之通事而結其交好

以諭九稅之利九禮之親九牧之維九禁之難九戎之威

說如字注音

悅難乃且反

諸侯宜相好有疑貳者則和合之萬民之說謂言政事
得失不能達於王者則達之邦國之通有事相通如告
繹禦患等須彼此相通其事方成者掌交皆代爲通之
以結其交好九稅九職之賦九禮九儀之禮九牧九州

之牧相維之道九禁司馬九灋九戎九伐之戎事此五
者皆有成式掌交特以時論者抑或此等事邦國必達
於掌交故得悉知而戒諭和合之
也不然待巡行而然則有所不逮

掌察

闕

掌貨賄

闕

朝大夫掌都家之國治日朝以聽國事故以告其君長國

有政令則令其朝大夫

長知
丈反

都家王子弟及公卿大夫之采地國治王國之治都家
當奉行者國事故王國事故所作爲事違舊爲故聽之
以告其君長使遵行國有政令則
其本國所當施行者朝大夫布之

凡都家之治于國者必因其朝大夫然後聽之惟大事弗

因凡都家之治有不及者則誅其朝大夫在軍旅則誅其

有司

都家之治于國者達於王必朝大夫先聽之而後王使有司聽之大事則否王氏應電曰常事不因朝大夫則事無統理而王國不勝其勞大事必其君長自聽恐朝大夫有未當而不免於壅蔽也不及不如濫誅責也有司都司馬家司馬軍旅不干朝大夫之事

都則闕

都士闕

家士闕

王氏應電曰王畿千里公邑之外爲家邑家邑之外爲小都大都封其子若弟公卿大夫錯居而統領之非若

諸侯之世國而私其地也故設王官以馭之祭祀名器禮之大經也於是都有都宗人家宗人軍旅國之大事也於是都有都司馬家司馬濩刑者馭官之大權也於是都有都則司刑者民命所關也於是百都士家士此數官者皆爵於王朝而任都家之士其治濩一體於王官其廢置一聽於冢宰此政教所以齊一血脉所以流通也

總論秋官刑官也凡有血氣莫不有爭心雖聖人禮樂濩度教化整齊之而不能無干紀之民蓋陰陽二氣流行於萬物之間人物居近泉土陰氣之浸淫尤易故必得清陽之氣多者始易爲善而不爲惡其次則逐物而遷因物而動鮮有能堅守其德者也故此職刑禁之事非特於民至詳而鳥獸蟲螣亦有其官聖人誠深明乎造

物之理而後多方以防其害也刑則掌戮在後而禁則
殺戮居先先儒以爲聖人之意本欲禁以止殺其言至
當其司儀等職亦屬於秋官者禮失而後亂生交離而
後奸作聖人以之示教欲人謹於威儀防於未亂其意
至深而其爲灋基詳矣